

Գ. Ս. ՄԱՐՏԻՆՈՍՅԱՆ, էկոնոմիկա և ֆալաֆականություն (Հարաբերակցությունը սոցիալ-
լիզմի կատարելագործման պայմաններում), Երևան, ՀեՍՀ ԳԱ Հրատարակչություն, 1988,
276 էջ:

էկոնոմիկայի և քաղաքականության հարաբերակցության ուսումնասիրությունը փոխա-
փայլության և սոցիոլոգիայի կարևորագույն հարցերից է: Այն ունի ոչ միայն տեսական. այլև
գործնական-քաղաքական հրատապ նշանակություն: Ընդ որում, սոցիալ-փոխափայլական
վերլուծությունը հիմք, նախապայման է տեսական և քաղաքական նոր պայմաններում
մարդու գործունեության կազմակերպման ու իրականացման համար: Ուստի մենագրության
հեղինակը միանգամայն իրավացիորեն իր ուսումնասիրությունը սկսում է դասականներով: Զե-
որ իսկապես էկոնոմիկայի և քաղաքականության կապի ու փոխհարաբերության վերլուծու-
թյունը անկյունաքարի նշանակություն ունի մարքս-լենինյան փոխափայլության շրջանակ-
ներում: Այսպես՝ Շ. Մարտիրոսյանը սկզբնաղբյուրների մանրազնին ուսումնասիրության հի-
ման վրա հետամուտ է լինում էկոնոմիկայի և քաղաքականության, որպես հասարակական
սիստեմների դիալեկտիկական կապի, երկու հիմնական դրույթներին. այն է՝ էկոնոմիկան
որոշում է քաղաքականությունը և քաղաքականությունը առաջնություն ունի էկոնոմիկայի
նկատմամբ: Սա նշանակում է՝ մենագրության հեղինակը հստակ տարբերակում է որոշիչի և
առաջնության վերաբերյալ փոխափայլական հարցադրումը: Ընդ որում, այդ հարցադրման
առաջին մասը վերաբերում է բուն խնդրի իմացաբանական կողմին, իսկ երկրորդը՝ սոցիալ-
պատմական պրակտիկային: Հիմնական երազակցությունն այն է, որ նշված դրույթները ոչ
թե հակասում, այլ փոխադարձաբար լրացնում են միմյանց, և որ քաղաքականության առաջ-
նությունը լենինյան դրույթը էկոնոմիկայի որոշիչ դերի վերաբերյալ մարքսյան դրույթի շարու-
նակությունն է, պարզացումը և ամրապնդումը Այս կապակցությամբ մենագրության մեջ հետևո-
ղականորեն վերլուծվում են նաև գիտական մամուլում եղած առավել կարևոր ու հետաքրք-
րությունները կապակցության հեղինակային տարրեր պատկերացումները:

Գրականության մեջ էկոնոմիկայի և քաղաքականության հարաբերակցության մարքս-լե-
նինյան ըմբռնումների կամ բանաձևերի կապի հարցի լուծումը տրվում է մի շարք փոխ-
կապակցված թեզերի (երեք, չորս, անգամ հինգ) առաջադրմամբ, որոնք թնկվում են որպես
սովյալ ըմբռնումները ներդաշնակորեն միավորող տրամաբանական անհրաժեշտ օղակներ
(Ա. Կ. Բեխտ, Կ. Ի. Զարոգով, Ֆ. Մ. Բուրլացկի և այլք): Մինչդեռ խնդիրը այլ է. ոչ թե
պետք է փնտրել մի շարք տրամաբանական, կարելի է ասել, արտաքին կապեր էկոնոմիկայի
և քաղաքականության հարաբերակցության գիտական պատկերացման համար, այլ ուղղա-
կիրեն հենել այդ հարաբերակցության դիալեկտիկական բնույթից: Այսինքն՝ այն իրողու-
թյունից, որ քաղաքականությունը որոշվելով էկոնոմիկայով, որպես վերջինիս հետագա զար-
գացման անհրաժեշտ պայման, բնականորեն կոչված է նրանից առաջ անցնելու, նախանշե-
լով էկոնոմիկայի զարգացման գլխավոր ուղղությունները և հիմնական խնդիրները, առանց
որոնց սահմանման չի կարող իրականացվել գիտակցված ու հեռանկարային սոցիալական
առաջադիմությունը: Հարկ է նշել, որ սովյալ ուսումնասիրության մեջ, փոխափայլական լեզ-
վով ասած, սոցիալական զարգացումը դիտվում է որպես նպատակ, տեսնականը միջոց, իսկ
քաղաքականը՝ այդ նպատակին հասնելու գլխավոր կազմակերպիչ ուժ:

Եվ իրոք, էկոնոմիկայի և քաղաքականության հարաբերակցության ուսումնասիրությու-
նը, եթե տարվում է զոգմատիզմի շրջանակներից դուրս, չի կարող սահմանափակվել միայն
վերացական փոխափայլական հարցադրումների առաջադրմամբ: Այստեղ առանձնապես կա-
րևոր են սոցիոլոգիական խնդիրները, որոնք առաջին պլան են մղվում, երբ վերլուծում ենք
սոցիալ-պատմական կոնկրետ պայմաններն ու հարցերը: Ուստի հեղինակը անդրադառնում է
էկոնոմիկայի և քաղաքականության փոխհարաբերության այնպիսի հարցերի, ինչպիսիք են
դրանց ամբողջականությունը, խախտման հիմքերն ու էական հետևանքները: Այս ամենը
Շ. Մարտիրոսյանին հնարավորություն է տալիս վերջին թառող զարի պատմական ֆոնի
վրա զննհատելու կուսակցության վերջին համագումարի սկզբունքային դիրքորոշումները՝
որպես էական լուրջ քայլ դեպի էկոնոմիկայի և քաղաքականության միասնության ամրա-

այնպիսի՝ ի հակադրություն բաղադրական վերլուծարիզմի և տնտեսական օբյեկտիվիզմի։ Այս առնչությամբ հեղինակը բազմակողմանիորեն վերլուծում ու օբյեկտիվորեն գնահատում է համագումարի որոշումները, էկոնոմիկայի ու քաղաքականության համապատասխան ֆունկցիոնները, մատենաշում սոցիալական դարգացման այն ղլխավոր ուղորտները, որտեղ կարելի է տեսական սկզբունքային դիրքերից լուսաբանել էկոնոմիկայի և քաղաքականության դիալեկտիկան։ Հարկ է անպայման մատենանշել հեղինակի ձգտումը՝ խորամուխ լինելու նաև բուն տնտեսագիտական խնդիրների մեջ, որոնք սակայն ուղղակիորեն ներազդում են հասարակության սոցիալական առաջընթացի ապահովման խնդրին։ Այս առումով առավել հատկանշականը էկոնոմիկայի դարգացման էքստենսիվ և ինտենսիվ ճղանակներին նվիրված բաժինն է, որը հաստատում է Շ. Մարտիրոսյանի հակումը շրջանցելու այն էական և ոչ միանշանակ հարցերը, որոնք անմիջական առնչություն ունեն ուսումնասիրության առարկային։ Այսինքն՝ հեղինակն իր ուսումնասիրության տեսական ըմբռնումները մշտապես հարակցում է հասարակության սոցիալական խնդիրների լուսաբանման հետ։ Զե որ մենագրության մեջ ընդգծվում է էկոնոմիկայի, քաղաքականության ու սոցիալական դարգացման ներքին կապը, որտեղ առաջին երկուսը դիտվում են որպես վերջինիս ապահովման հիմնական նախապայմաններ։ Այստեղից էլ՝ աշխատության մեջ այն ղղալի տեղը, որ հատկացված է առաջնահերթ սոցիալական պրոբլեմների ուսումնասիրությանը։ Խոսքը սոցիալիստական հասարակության ազգային հարաբերությունների, խորհրդային ապրելակերպի ու գեմոկրատիայի կատարելագործման մասին է։ Այս բնագավառներից յուրաքանչյուրում հեղինակը հետամուտ է լինում տնտեսական, քաղաքական և մարդկային գործոնների դերին, նրանց փոխադարձ կապին։ Ընդ որում նշված բնագավառներից առաջին երկուսը քննվում են որպես սոցիալական առաջընթացի նպատակային ուղղություններ, իսկ գեմոկրատիան՝ որպես ղլխավոր լծակ, երաշխիք այդ ուղղություններն ապահովելու համար։ Բնորոշ է նաև այն, որ յուրաքանչյուր դպագում խնդիր է դրվում նշված հարաբերակցությունը տեսնել պատմական անցյալում և մեր ժամանակաշրջանում։ Այսպես՝ ազգային հարաբերությունների բնագավառում էկոնոմիկայի և քաղաքականության հարաբերակցության վերլուծությունը թույլ է տալիս կատարել հետևյալ ընդհանրացումը։ Պատմական անցյալում խորհրդային հասարակության ազգային կառուցվածքի հարցում էկոնոմիկայի նկատմամբ քաղաքականության առաջնությունը դրսևորվում է արդյաձարերական կենտրոնի համեմատ միութենական հանրապետությունների տնտեսական առավել արագ աճի ապահովմամբ, ընդ որում համապետական ինտեգրացման ուղղությամբ։ Իսկ այժմ պատկերը հետևյալն է. քաղաքականությունը խստիվ և հետևողականորեն հռչակում է, որ միութենական հանրապետությունների էկոնոմիկական զարգացման մի միասնական ժողովրդատնտեսական համալիրի շրջանակներում և որ ստեղծված պոտենցիալն առաջին հերթին առավելագույն շահով օգտագործվի համապետական նպատակների համար։ էկոնոմիկայի և քաղաքականության հարաբերակցության գործնական դրսևորման հիմնական կանխորոշիչ նպատակը թե՛ պատմական անցյալում և թե՛ սոցիալիզմի կատարելագործման արդի պայմաններում նույնն է՝ դա մի միասնական միութենական բազմազգ պետության ըստ ամենայնի ամրապնդումն ու դարգացումն է։ Անդրադառնալով սոցիալիստական բազմազգ պետության կազմավորման տեսական ու գործնական հարցերին, մենագրության հեղինակը հետևողականությամբ քննում է Վ. Ի. Լենինի աշխատությունները, վերհանելով ազգային քաղաքականության այն ղլխավոր սկզբունքները, որոնք ընկած են Խորհրդային Միության կազմավորման հիմքում։ Խոսքը առաջին հերթին ազգերի ինքնորոշման իրավունքի մասին է, որը եղել ու մնում է ազգային հարաբերությունների զարգացման ու կատարելագործման ինչպես տեսական, այնպես էլ քաղաքական հիմքը։ Ուստի կարծում ենք, որ հասարակության ազգային կառուցվածքի հետագա ուսումնասիրությունը, որը հրատապ սոցիալ-քաղաքական նշանակություն ունի, պետք է տարվի այդ հիմքի վրա։

Ինչ վերաբերում է ապրելակերպին, ապա այս հարցում հեղինակի վերլուծությունը հանգեցնում է հետևյալ եզրակացությանը։ Պատմական անցյալում էկոնոմիկան կոչված է եղել ստեղծելու պատշաճ ապրելակերպի նյութական հիմքերը, իսկ քաղաքականությունը՝ գործնականում ապահովելու նշված խնդրի լուծումը։ Տվյալ փուլում նոր ապրելակերպին բնորոշ է դառնում մարդկային գործոնի աննախապայման ակտիվացումը, մի բան, որը անտեսված է եղել տասնամյակների վարչահրամայական գործելակերպի ոչ բնականոն պայմաններում։ Հասարակության զարգացման ներկա փուլում էկոնոմիկան արդեն հայտնի շահով ստեղծել է պատշաճ ապրելակերպի նյութական հիմքերը և նպատակ ունի բարելավելու առաջնային պահանջարկների բավարարումը։ Իսկ քաղաքականությունը, շարունակելով ապահովել տնտեսա-

կան հասունացած խնդիրներ լուծումը, միաժամանակ պայքար է կադմակերպում սուտը ապրելակերպի նորմաներից կատարվող տարաբնույթ շեղումների դեմ: Իր հերթին մարդկային գործոնի ակտիվացումը հնարավոր է դառնում ապահովել մի շարք էական նախադրյալների ստեղծմամբ: Խոսքը տնտեսական հղորմության, սոցիալական ուժեղ քաղաքականության և անձնավորության քաղաքական բարձր կուլտուրայի ապահովման մասին է:

ՅՔԼ ազդեցիկ հարաբերությունների ու սոցիալիստական ապրելակերպի հետագա կատարելագործումը դիտվում է որպես սոցիալական դարդացման զլխավոր ուղղություն, ապա դեմոկրատիան հանդես է դալիս որպես այդ ուղղության ապահովման հիմնական իդանակ, միջոց ու երաշխիք: Այս ոլորտում էլ կարելի է հետամտ լինել էկոնոմիկայի ու քաղաքականության փոխհարաբերությանը: էկոնոմիկան ստեղծում է դեմոկրատիայի իրակացման նյութական հիմքերը, հետևաբար հասարակության սոցիալ-տնտեսական դարդացման արագացումը նպաստավոր է դեմոկրատիայի հետագա խորացման տեսանկյունից: Ինչ վերաբերում է քաղաքականությանը, ապա այն կոչված է դեմոկրատիայի դարդացումը տանելու խորհրդային հասարակության անգամների հասունացած քաղաքական պահանջարկների բավարարման ուղղությամբ: Մի բան դառնում է պարզից էլ պարզ. առանց հասարակության հետագա դեմոկրատացման չկա հետագա որակական առաջընթաց հասարակության ամենատարբեր բնագավառներում: Պատմությունը հաստատում է, որ քաղաքակրթության ուղիով այն երկրներն են որակական թռիչք ապահովում, որոնք ապավինում են կառավարման դեմոկրատական սկզբունքներին և կամք են դրսևորում չնդվելու այդ ուղուց: Անհրաժեշտ է այդ ամենի ոչ միայն ընդհանուր տեսական դիտակցումը, այլև գործնական-քաղաքական կիրառումը: Ինչպես նշվում է մենագրության մեջ, ոչ միայն էկոնոմիկան և քաղաքականությունն են ազդում դեմոկրատիայի դարդացման վրա, այլև ինքը դեմոկրատիան է հղու: ու մեջապահական ազդակ էկոնոմիկայի և քաղաքականության առաջընթացի ապահովման համար:

Իհարկե, քաղաքականության և էկոնոմիկայի հարաբերակցության թևման տարբերակ է: Ուստի ներկա աշխատանքը չէր կարող ընդգրկել բոլոր հարցերն ու խնդիրները: Այս եմաստով, օրինակ, միանգամայն ցանկալի կլիներ քննել ոչ միայն սոցիալական հիմնական ոլորտի պրոբլեմները, այլև ինքնուրույն հետաքրքրության ներկայացնող տեխնիկական ու մշակույթային քաղաքականության հարցերը, ալելի մեծ տեղ հատկացնելով սոցիալական դարդացման մարդկային գործոնին: Զիշտ կլիներ, որպեսզի լուսաբանվեր նաև էկոնոմիկայի և քաղաքականության հարաբերակցության միջազգային ասպեկտը, նրա առանձնատկությունները կապիտալիստական հասարակարգում և այլն: Բայց այդ բացթողումները որակ չեն կազմում, որովհետև հեղինակի նպատակն է զլխավորապես վերհանել ուսումնասիրվող հարցի տեսական-մեթոդաբանական և գործնական խնդիրները սոցիալիզմի ներկա փուլում և ոչ թե ընդգրկել բոլոր հարցերը: Նշված հարցերը, իհարկե, բացում են հետագա ուսումնասիրության ուղիները:

Հաշվի առնելով թևայի հրատապությունն ու կատարման անհրաժեշտ որակը. Շ. Մարտիրոսյանի մենագրությունը կարելի է դասել դեմոկրատական վերակառուցման տեսական ու գործնական հարցին նվիրված նորագույն մենագրությունների շարքը, որոնց զլխավոր առտնձնահատկությունը սխուրաստիկայից հրաժարումն է, տեսական ճիշտ հիմքի վրա հասունացած խնդիրների լուծման ուղիների մատնանշումը: Մենագրությունը անպայման օգտակար է նաև պատմական մատերիալիզմի առարկայի համապատասխան բաժինների դասավանդման ընթացքում, բաժիններ, որոնք շոշափում են սոցիալիստական հասարակության արդի զորքերին:

Է. Ա. ԿՅՈՒՐԵՂՅԱՆ

Փիլիսոփայական գիտությունների բեկնածու: